


平遠縣志



光緒五年季夏開雕

平 駿 縣 志

板存縣署

創修平遠縣志序

己卯秋攝平遠縣事陳明府煥齋以手撰縣志稿本  
封賚乞予筆削并序瓜代有期梓以遺後任予燕淺  
政務旁午又會經始隴東渠上心無暇來使代覆於  
門少間予展視為卷十綱也為條若干綴於卷下目  
也

朝廷設官分職上下相維事期共濟矧志所關甚鉅予

弗從而商權酌加刪潤可乎纂修者善否增損者合  
否予皆不得而知至於量地制宜天時地利人事靡  
不瞭如指掌其間有不及詳備者時方初始也憶自  
隴上定

制府左侯相慮深控御請升固原為直隸州予及廖

直刺曉東陳君殫精區畫入幾經崇方伯峻峰楊廉  
訪慶伯因時議制侯相裁奪入告始成斯邑陳君攝  
縣事招徠開懇勸舉諸物入越六載始有此規模見  
諸是志陳君之用心良苦矣陳君之盡職可知矣善  
始必期善繼陳君將舉今昔事持以告新令尹而後  
之接踵至者使皆本此以深揚厲遠展嘉猷蒸蒸日上

上續是志以為

國家光是亦予之厚企也

皇清光緒五年己卯八月平慶涇固化道邵陽魏光燾序

周制四百里為縣，者懸也。四百里民  
命所懸繫者也。四百里之地，之事，筆之  
於書，謂之縣志。者記也，亦不忘也。知縣  
者，知一縣之事也。而知縣為四百里民命  
懸繫之人，凡四百里之地，之事，又烏可忘  
同治十三年秋

建議新設平遠縣，定余捧檄首宰斯

一

土令瓜代有期矣。使將四百里之地，之事  
而忘之，將何以告新令尹。唯是採輯  
既建治之後，四百里今日之事也。追溯未  
建縣治之前，四百里疇昔之事也。第兵  
燹後，文獻無徵，必欲將歷代政治之因  
革、市井廢興、人事代謝、風化轉移、四  
百里地今日之事、疇昔之事，歷歷如畫，益

亦鷄矣摠之平遠幅員割之臨且固靈州  
地第取鹽固靈州志擇其幅員之在  
平遠者而筆削之其軼乃蒐羅於他  
說將有以持之告新令尹者然則平遠  
一縣四百地今日之事疇昔之事宛在目  
前開卷了然雖欲志之焉而忘之不可  
可無志也如是

二

光緒五年己卯九月日直隸州知州用署

平遠縣知縣海城縣知縣湖北蘄

水陳日新撰於署



平遠縣志凡例

一志尚體裁平遠以邊徼地創縣治於亂後人煙寥落既不能延名流為總纂分纂又無紳士召集以備采訪皆予一人蒐求一手編輯難期體裁允當

一省志宜簡府州縣志宜詳予才學疏淺既虞脫漏又難免病俗傷繁

一志內援引古事僻壤無載籍蒐羅以資考證其中不無錯誤

平遠縣志

凡例

一

一疆域城池既有圖矣仍載入建置卷內為志其詳細又武員既列官師仍載入各汛以昭防守非重複也

一志內學校官師等卷均以建邑之年為始以前概從畧又封爵墓已散見於建置古蹟各卷無庸復贅

一是志第就今日已舉之事志之如

文武廟及各祠祀等類庫款支絀尚未建設故未載入又民丁多自五方遷徙習尚各殊尚待善政齊之故風俗在今不能立卷又祥異一類無從稽考亦未列載

一志內有綱目而不能備舉者如學校一卷凡學宮學田書院義學社學賓興等項目前未設故不能附載又如人物一卷凡歷代忠節孝義儒林循吏隱逸烈女等項皆未由稽考故第就經子考覈者志之其他不敢附會

一選舉宜獨立一卷惟歷代徵辟保薦明經進士諸貢等類無從搜索故但從同治癸酉科舉人載起附於學校

一鹽課向歸鹽商完納兵燹後無商議由地丁攤派雖未定制礙難別立一卷又戶口乃辟土之人物產為土宜

平遠縣志

凡例

二

所出故與鹽課皆歸入田賦卷以免瑣屑

一予修理城畧等記並詩若干首因其言有關時事附載

藝文卷尾上拙不記也

一是志非敢言志他日人民日眾土地日辟風教日開俾續修者得有所援而已

平遠縣志目錄

卷一

圖考 平遠縣疆域圖 平遠縣城池圖

卷二

歲時氣候 風雨雪霜冰雹

卷三

建置 沿革 疆域 形勝 城池 公署  
里甲 驛站 舖司 摺紳 社倉

卷四

平遠縣志 目錄

山川山川

卷五

古蹟

卷六

田賦 賦始 原畝額徵 鹽課 戶口 物產

卷七

學校 學額 選舉

卷八


官師 新設文員 新設武員附兵

卷九

人物

卷十

藝文 忠義 工役附



三遠集

目錄

平遠縣志卷一

平慶涇固化道魏光壽鑿定

靳春陳日新纂


圖考平遠縣疆域圖 平遠縣城池圖


河圖秘啟先天太極包涵萬象志乘以圖啟例者上蟠下際靡不胥胎其中也平遠地居邊險繪事尤重志圖考

平遠縣志

圖考

五





平遠縣志


圖考

六



平遠縣志

圖考



七



鼓樓



署廳



平遠縣志卷二

平慶涇固化道魏光壽鑿定

靳春陳日新纂

歲時氣候 風雨雪霜水雹

陰陽所毗氣候不齊隴東苦寒平遠其最化工布護寶異  
他邦宰斯王者當思有以調燮之志歲時

氣候

平遠地極高寒受春氣最遲受秋氣獨早當盛夏亦如東  
南各省四月清和時無所謂酷熱而毛居士井居萬山中

平遠縣志

歲時

八

隆冬尤為凜冽故諺云天下冷莫於毛居士井然山谷間  
當驟雨方霽雖盛夏時尤凍殭駝馬匪獨人也其沍陰之  
凝結有如此者

風雨雪霜水雹

縣境近上郡常苦旱稼穡多不暢茂往往於五七月降黑  
霜尤傷稼冰雹間亦為災自冬徂春冰堅地裂終日大風  
揚沙

平遠縣志卷三

平慶涇固化道魏光燾鑿定

新舊陳日新纂

建置

沿革

疆域

形勝

城池

公署

倉庫

平遠在前沿革不一設縣則自今始疆域形勝固足以雄峙邊隅規制亦周而民人社稷相與為依為政者尚其加意志建置

沿革

平遠介乎平涼寧夏之間天文在赤道并三十二度二分

平遠縣志

建置

九

鬼一度十八分尾二十度柳十四度分野在唐虞為三苗神農氏裔禹裕其逆屬雍州太康失國復叛后泄賜爵命服從終商之世不見於史冊周武王逐之涇北春秋為義渠秦惠文王奪其地之半而縣之昭王則盡取其地開北地郡漢武帝折置安定晉仍舊周太和四年築原州隋大業別置平涼郡以屬之唐復屬原州元和陷於吐蕃宋元符二年遣大將折可適伐夏因置安西州隨陷於夏更名東牟寶慶元年冬元太祖取靈州進兵鹽州川命豫王

築城於平虜所亦名平遠所旋建國於安西州元至元十  
年廢原州立開城府為安西王行都亦宋度宗十年也後  
王誅國除明洪武二年徐達俞通海攻走元豫王於安西  
州降其部落安置開城等縣官其首領把丹為平涼千戶  
二十年冬以地賜韓肅楚慶諸藩為牧場成化五年把丹  
孫滿四名後者據石城反遣都督劉玉副都御史項忠討  
平之而項功居多得總督軍務固設固原衛及安西平遠  
鎮戎三所以隸之懇其地屯兵以備河套是為固原有總

平遠縣志

建置

十

督之始代其軍者為巡撫馬文昇十年套人愈熾刑部主  
事張鼎言延綏甘肅寧夏鎮撫不相統一宜推文武重臣  
一人總制三邊巡撫以下悉聽節制詔起王越為之是為  
固原有總制之始十五年秦竝總制請徙開城之版為固  
原州治是為有固原州之始  
國朝定鼎遷同知於固原與州牧同城裁撤衛所更西陲牧  
地招民開墾乾隆十四年復移同知駐海訥都即今之海  
城縣也分治州城蓋同知在前明司監收

國朝改司鹽茶此縣之南西圍而向轄平涼者東北則秦始  
皇遣蒙恬卻匈奴取河南造陽地為新秦中漢武帝游獵  
唐肅宗即位赫連西夏迭為霸國麥朵山鐵可為兵紅柳  
可為筭設險韋州以固其圍元起北方以滅之定豳夏而  
進兵鹽州明視河套之強如榻倒卧虎築長城以敵其衝  
此縣之東北圍而向轄靈夏者同治間回逆開秦隴湘陰  
左侯相平之以平靈之間土地遼濶宜建置議陞固原為  
直隸州置硝河城州同設平遠縣及同心城巡檢改鹽茶

平遠縣志

建置

十一

為海城縣置打拉赤縣丞統隸固原秦之

朝報可以觀察使魏公督屬經營檄予從刺史廖公割鹽固  
靈靈壤相陰陽觀流泉以下馬關氣勢雄峻建平遠縣治  
以同心城當平靈孔道且距縣遙遙設巡檢一員分防西  
川以助縣令治化之不及

疆域

縣之西南城預旺城可可水夾道堡及李旺堡十分之三  
皆割之海城地元城子毛居士井永固堡及白馬堡十分